

# A- Čoahkkinbeavdegirji

RiddoDuottarMuseat

RDM stivrračoahkkin Leavnnjas 13.03.19.

Čoahkkin dollojuvvui dii. 10:00–15:00

## Geat oassálaste:

Johan Ailo Kalstad	Stivrrajođiheadđi
Hilde Skanke	Nubbijođiheadđi
Ann Britt Eira Sara	Stivrralahttu
Hjalmar Strømeng	Stivrralahttu
Sten Magnar Nikodemussen	Stivrralahttu
Marianne Balto	Stivrralahttu
Svein Atle Somby	Stivrralahttu
Elle Bals	Stivrralahttu/bargiidáirras
Anne May Olli	Čáli

## Áššer.:

## ÁŠŠI

- 1-2019 Dohkkehit čoahkkingohččuma ja áššelisttu**  
Čoahkkingohččun ja áššelistu dohkkehuvvui ovttajienalaččat rievdadusain ahte ášši 11, AU ásaheapmi, gieđahallo čoahkkáigeasus eará áššiid vuolde.
- 2-2019 Válljet guoktása geat dohkkeheaba čoahkkinbeavdegirjji.**  
Ovttajienalaččat válljejuvvuiga Svein Atle Somby ja Hjalmar Strømeng vuolláičállit otná beavdegirjji.

## 1. DIEHTOJUOHKINÁŠŠIT

- 3-2019 Diehtoáššit**
- Jagi rehketdoallu – 2018
  - Skuvvanvári HEMIS-raporta - Skuvvanvári eretcealkin, ohcat ođđa molssaeavttu Leavnnjas
  - Statsbygg vejolašvuodaguorahallan, dálá dilli
  - Ovttasbargu SDG:in
  - Jearaldat dokumentašuvdnaguovddáža birra
  - Jerrojuvvon logaldallat
  - Organisašuvdnaovdánahttin, progrešuvdna
  - RDM dáhkádusat, dán jagi geahčadit daid
  - Levdnjii čohkket Porsáŋgu musea ja Kvena giellaguovddáža
  - Stivrrajođiheadđi dieđiha ahte luohpá áirrasdoaimmas 01.07.19

**Mearrádus: Stivra váldá vuhtii áššiid**

## 2. ČUOVVOLEAMIT

Eai leat áššit

## 3. MEARRÁDUSÁŠŠIT

### Ášši 4-2019 2020 Bušeahttacealkámuš

- 1) Áššebáhpirat:
- 2) Áššečilgehus:

RiddoDuottarMuseat (RDM) lea čuovvulan ođđasisorganiserema ja lea 2018:s čađahan bargiidlogu njeaidima. Hálddahasas ledje 6 virgi man dal leat unnidan 3 virgin. RDM eai leat virggit buot surggiin, muhto baicce oastá sihke rehketdoallobálvalusaid, hábmen- ja IT-bálvalusaid. Rievdadusaid čuovvumuš lea leamašan ahte mii leat ferten oastit oalle ollu teknologalaš vuogádagaidd. RDM strategiijaplána bidjá meriid dan bargui mii lea dahkkon 2018/19, ja dat ain joatká boahttevaš jagiid.

### Fágalaš hástalusat ja vuoruheamit

Ovddit bušeahttacealkámušain lea RDM čalmmustahtán daid hástalusaid mat museain leat dál ja maid boahtte áiggis. Lea ain dárbblaš hukset nanu sámi museafágalaš museaid main sámi geahččanguovlu. RDM lea ožžon fuomášumi internationála dásis go mii leat bargan sámi museaid ja váilevaš dáiddamusea čalmmustahttimiin, min barggu oidnet dego vuohkin movt ovdánahttit dekoloniserejuvvon museadoaimma. RDM áigu media- ja márkanstrategiijain čalmmustahttit museaid servvodatrolla ja nu maid daid dárbblaš vuoruhemiid.

Sámi museaid ovdánahttimis lea dárbblaš vuoruhit museafágalaš osiid sihke vurkemis, gaskkusteamis ja dutkamis. Nugo čájehuvvon ovdeš bušeahttacealkámušain de lea ain dárbblaš vuoruhit dáid osiid vai nagoda dahkat dan dárbblaš nannema, lassin beaivválaš jođiheapmái. Museain leat beare unnán resursat ja eat sáhte “bargat buot barggu ieža”, muhto leat sorjavaččat ovttasbargat earáiguin. Dego ovdamearkka dihte ovttasbargat joatkkaskuvllaiguin, universitehtaiguin, allaskuvllaiguin ja árbediehtoguddiiguin. Museadoaimmas leat ain ollu áššit maid ferte bargat ovdal dekoloniseren teoriija lea oassi beaivválaš doaimmas.

Lea áibbas mearrideaddji ahte museat, oahpahussektora ovttasbargguin, heivehuvvojit stipendiáhttavirggiide. RDM lea ásahan lagat ovttasbarggu eará sámi ásahusaiguin, dego sámi dáiddaguovddážiin (SDG) Kárášjogas. Dieinna lágiin sáhttet ásahasat ovttas olahit bargat stuorit ja buoret servvodatbargguidd go dan maid juohke okta akto nagoda. RDM ferte nannet fágavirggiid vuodđobargilogus, dás maid gaskkusteaddjifágalaš virggiid, vai sihkkarasttášii ahte RDM nagoda viidát deavdit sámi museapráksisa.

Báástede/dávviirid ruovttoluottafievrrideapmi sámi museaide lea maid vuoruhuvvon suorgi, ja mii maid mielddisbuktá fágalaš hástalusaid. Ruovttoluottamáhcaheapmi eaktuda sihke heivvolaš magariinnaid ja čájáhuslanjaid, ja maid vurrkodeami, gaskkusteamis ja dutkama. Museain leat vánis resursat ja danne lea dárbu vel ain eambo deattuhit museaid erenoamáš servvodatovddasvástádusa

čoakkáldathálddašeaddjin. Sámi museain leat beare unnán konserveren fágasuorggi bargit, muhto nu lea maid muđui riikkaoasis. Dan čuovvumuš lea ahte ferte unnidit doaimmaid eará surggiin, mii fas sáhtta buktit negatiivvalaš beaggima dain berošteddjiin geat beroštit das maid mii eat vuorut.

2019:s čađahuvvo vejolašvuođaguorahallan sámi dáiddamusea birra ja Sámiid Vuorká-Dávviid ođasmahttimis. Dán barggus čalmustahttojuvvo museaid servvodatrolla ja maid musea buktá servvodatekonomiijii. Váikko mii dál eat vel dieđe makkár boadus vejolašvuođaguorahallamis lea de áigu RDM maid 2020:s vuoruhit resurssaid dán bargui.

RDM:i lea dehálaš ahte min museain lea nanu ja stabiila vuođđu báikkálaččat. Dat mearkaša ahte mis ferte leat buorre gulahallan eaiggádiiguin, suohkaniiguin ja eará berošteddjiiguin, muhto maid ahte mis lea buorre bargobiras ja leat buorit vurkkodanvejolašvuođat museain. RDM bargá dal báikkálaš museaid vistedárbuid guorahallamiin ja geahčada geainna lea vejolaš ovtasbargat ja leat oktasaš visttiin. Lea dehálaš ahte RDM oazžu resurssaid sihkarastit buriid čájáhusarenaid ja magariinnaid.

### Obbalaš hástalusat mat váikkuhit RDM ekonomiijii

Nugo ovdalaš bušehtacealkámušain de áigu RDM fuomášuhttit osiid mat dagahit RDM ekonomiija hástaleaddjin. Dán bušehtacealkámušas čalmustahttit mii dan dáid čuoggáiguin:

- RDM museat leat Oarje-Finnmárkkus. Museadoaimmaid arenaid guovddušteapmi dagaha ahte smávva báikkálašmusea bargiide lassánit mátkegolut ja eambo bargoáigi gollá mátkkošteapmái. Jus RDM museat áigot leat aktiivvalaččat ja beroštahti ovtasbargoguoimmit, de mii fertet searvat daidda báikkálaš, regionála ja internationála arenaide gos musea- ja servvodatdigaštallamat dáhpuhuvvet.
- RDM:s leat guokte hálldašangiela. Lea sihke áigegáibideaddji ja ruhtagáibideaddji jođihit musea guovtti gillii. Buot ferte jorgaluvvot, juogo dárogielas sámegillii dahje sámegielas dárogillii. Lea ain hui heitot ahte sámi museat mat leat Sámedikki vuollásaččat eai oaččo liigejuolludeapmin guovttegielatvuođaruđaid.
- RDM hálldaša dan buot stuorámus sámi dávvirčoakkáldaga ja stuorámus sámi dáiddačoakkáldaga. RDM doaimmagolut juohkásit 5 museai ja oktasaš hálldahussii.
- Lea váttis RDM:i dušše iežas ekonomalaš rámmain deavdit dárbbuid mat leat ođđa/buoriduvvon visttiide.

### 2017-2019 ekonomalaš ovdáneapmi <sup>1</sup>

DOARJAGAT	2017	2018	Lassáneapmi	2019	Lassáneapmi
Sámediggi <sup>2</sup>	10 559 000	10 761 000	1,91%	11 013 000	2,34%
- Merkejuvvon (proseanta dušše sisaoastinortnegii)	500 000,-	530 000,-	6%	560 000,- 500 000,-	5,66%
Finnmárkkku fylkkagieldda	483 790,-	483 790,-	0 %	493 000,-	1,9%
Kárášjoga gielda	220 000,-	200 000,-	-9%	220 000,-	10%

<sup>1</sup> Earret prošeaktaruđaid. Ulbmil lea čájehit RDM dábálaš doaimma ekonomalaš rámmaid.

<sup>2</sup> Merkejuvvon ruđat leat sierra čájehan dihti makkár lassáneapmi lea musea doibmii. Merkejuvvon ruđat leat Sámedikki dálááiggedáidaga/dáidaga ja dáiddaduoji sisaoastinortnega juolludeapmi, ja vel 2019 gearedoarjja SVD oljolliggenrusttega lonuheapmái.

Guovdageainnu suohkan <sup>3</sup>	220 000,-	220 000,-	0%	220 000,-	0%
Porsáŋgu gielddá <sup>4</sup>	244 500,-	248 274,-	1,54 %	290 954,-	17,2 %
Fálesnuori gielddá	125 000,-	125 000,-	0 %	200 000,-	60%
Iežas sisaboahu <sup>5</sup>	506 392,-	552 559,-	9 %	499 423,-	-9,6%
OKTIIBUOT	12 802 882	13 064 823	2 %	13 940 577,-	6,7%

Hadde- ja báikkálassáneapmi lea dábbalaččat 2,5 %. Dat mearkaša ahte RDM:s ii lean ekonomalaš sisaboahu gokčat 2018 dábbalaš hadde- ja báikkálassáneami. 2019 einnostus lea posiitiiva. Lassin hadde- ja báikkálassáneapmái oaidnit mii ekonomalaš ovdáneami mii dán jagi lea sullii 4 %. RDM fertii 2018:s čađahit garra doaimmaid dego bargiidlogu geahpideami, ja dát oktan suohkaniid lasihuvvon doarjagiin, addá eambo válljenvejolašvuodaid dán jagi doaimmaide (oktan merkejuvvon ruđaguin).

### 2020 2020 ekonomalaš rámmat

Dárbbut mat ovddit bušeahttealkámušain leat mitaluvvon leat ain áigejuovdil. RDM dárbbáša ekonomiija mii guhkit áiggi vuollai lea vuordevaš, vai sáhttit hábmet fágalaš ovdáneami museaide.

Mis lea vuordámuš ahte Finnmárkku fylkkagiella lasiha iežas doarjaga sámi museaide stáda 60/40 juolludančoavdaga mielde. Sámi museaide lea Sámediggi gii deavdá stáhtalaš oasi, go fas fylkkagiella ja suohkanat gokčat dan regionála/báikkálaš oasi. Finnmárkku fylkkagielddas fertejit ain ollu lasihit jus áigot joksat deavdit iežaset ovddasvástádusa ovdánahttit sámi museaid mat leat fylkkas. Guokte RDM suohkana (Fálesnuori gielddá ja Porsáŋgu gielddá) leat lasihan iežaset doarjaga RDM:i, 17 ja 60 proseanttain. Mis lea ain vuordámuššan ahte suohkanat lasihit doarjagiid nu ahte museat nagodit deavdit hadde- ja báikkálassáneami, muhto maidai báikkálaš museaid ovdánahttit fágalaččat. Buot suohkaniin leat vuordámušat iežaset museaide ja sin doarjaga museaide čalmmustahtta maid lea vejolaš báikkálaččat bargat.

Vai stáda ja regiovna juohku lea lagabus 60/40, de lea 2020 bušeahttealkámuš čuovvovaš<sup>6</sup>:

Juolludeamit	2018 Oassi	2019 oassi	60/40 juohku	2020 oassi	Lassáneapmi 2019-> 2020	60/40 juohku
Sámediggi (Oktan sisaoastinortnega merkejuvvon ruđaguin)	11 291 000	12 073 000 <sup>7</sup>	89,45%	11 920 190	3 %	69,4 %
Finnmárkku fylkkagielddá	483 790	493 000	3,65%	4 267 331	766%	24,8 %
Suohkanat	793 274	930 954	6,90%	986 811	6 %	5,8 %
<b>Oktiibuot</b>		13 496 954 <sup>8</sup>	100%	<b>17 174 332</b>	27,3 %	100%

<sup>3</sup> Guovdageainnu suohkan eaiggáduššá ja bajásdoallá Guovdageainnu museavisttiid. Mii eat leat vel 19.02.19 ožon 2019 juolludanreivve, ja danne lea dás diimmá ruhtadeapmi.

<sup>4</sup> Porsáŋgu gielddá addá vel Skuvvanvári viessoláigorefušuvna 55 800 ruvno dás oassin.

<sup>5</sup> Kommišuvdnavuovdin ii leat dás fárus. 2019 ovddas stipulerejuvvon bušeahttasubmi.

<sup>6</sup> Iežas sisaboahu ii leat fárus 60/40 juohkinvuogis.

<sup>7</sup> Oktan 500 000 ruvdnosaš geardedoarjagiin. Dát submi ii leat fárus 2020 bušeahttealkámušas.

<sup>8</sup> Oktan geardedoarjagiin SVD liggerusttegiidda.

RDM 2020 bušeahhtcealkámuš čájeha ahte jus Finnmárkku fylkkagiella galgá joksat 40/60 juolludanloguid gaskal stáda ja regionna de fertejit sii hui ollu lasiha doarjaga. RDM 2019 obbalaš doaimmadoarjagis lea 3,65 % Finnmárkku fylkkagiella juolludeapmi, muhto sis leat goitge seamma raporter- ja geatnegasvuodagáibádušat go Sámedikkis. Dán jagi lea ođas ahte gáibiduvvo ahte buot RDM márkanfievrrideamis galgá bohtit ovdan ahte FFK doarju ásahusa.

**2020 bušeahhtcealkámušas sihtá RDM 27 % ollislaš doaimmadoarjjalasáhusa earret eará danne go lea nu stuora erohus gaskal stáda ja regionna, muhto maid dan dihte go lea hui stuora dárbu fágavirggiide, visttiid áimmušuššamii, báikkálaš magasiinnade/magasiinnaid buorideapmái, konservenvejolašvuodaide ja dutkamii.**

- 3) AU cealkámušat:
  - li leat gieđahallon AU:s
- 4) Mearrádusárvalus:

Juolludeamit	2020 oassi	2019-> 2020 lassáneapmi	60/40 juohku
Sámediggi (Oktan sisaoastinortnega merkejuvvon ruđaiguin)	11 920 190	3 %	69,4 %
Finnmárkku fylkkagiella	4 267 331	766%	24,8 %
Suohkanat	986 811	6 %	5,8 %
<b>Oktiibuot</b>	<b>17 174 332</b>	<b>27,3 %</b>	<b>100%</b>

2020 bušeahhtcealkámušas sihtá RDM 27 % ollislaš doaimmadoarjjalasáhusa earret eará danne go lea nu stuora erohus gaskal stáda ja regionna, muhto maid dan dihte go lea hui stuora dárbu fágavirggiide, visttiid áimmušuššamii, báikkálaš magasiinnade/magasiinnaid buorideapmái, konservenvejolašvuodaide ja dutkamii.

- 5) Mearrádus:  
Mearrádusárvalus ovttajienalaččat dohkkehuvvon

## Ášši 5-2019                      2019-2020 doaimmaplána

- 1) Áššebáhpirat:
  - 2019 – 2020 Doaimmaplána
  - Sámedikki juolludanreive ja raporterenskovvi
  - Finnmárkku fylkkagiella juolludanreive
  - Musea ehtalaš njuolggadusat: <https://www.kulturradet.no/documents/10157/2bcf94db-d79d-4b5f-834b-384ea304580f>

## 2) Áššečilgehus:

RDM 1919-20 doaibmaplánaš boahdá ovdan makkár osiide mis lea eanemus fokus dán jagi. RDM:s lea dábálaš doaibma (čoakkáldathálddašeapmi, dokumentašuvdna ja gaskusteapmi). Dasa lassin leat mis prošeavttat ja vuoruhuvvon ángiruššansuorggit, dego dutkan ja rekruteren (erenomážit vistesuodjaleami suorggis). Plánejuvvon doaimmat čuvvot RDM 2017–2022 strategijja ja 17.12.18 stivračoahkkima váldovuoruhemiid.

Musea doaimmaid ferte geahččat dan ektui mii musea servodatrolla lea. Lea vuosttažettiin dehálaš fuolahit hálddašeami, dutkama, gaskusteami ja ođasteami – go áigu leat musea: čohkkejuvvon doaibma. RDM musea čuvvot museaid vuollerádjedási ICOMS musea ehtalaš njuolggadusaid (gč. liŋkka).

1. Museat seailluhit, dulkojit ja ovddidit olmmošsoga luonddu- ja kulturárbbi
  2. Musea hálddaša čoakkáldagaid servvodaga ovddas ja buorin servodatovdánahttimii
  3. Musea fuolaha primáragálduid diehtaga máhttui ja čiekŋudeapmái
  4. Musea addá vejolašvuoda atnit árvvus, illudit, ipmirdit ja vurket luonddu ja kulturárbbi
  5. Museain leat resursat mat addet vejolašvuoda eará servvodatlaš bálvalusaide ja buriide
  6. Museain lea lagas ovttasbargu daiguin servvodagaiguin gos čoakkáldagat bohtet ja daid servvodagaiguin maid sii bálvalit.
  7. Museer arbeider innenfor de rammer loven setter
  8. Museer arbeider etter faglige og profesjonelle prinsipper
  9. Museat barget lága rámmaid siskkobealde
  10. Musea bargá fágalaš ja profeššunealla prinsihpaid mielde
- Sámi museat háliidit deavdit musea servodatrolla sámi geahččanguovllus. Dan dihte háliida RDM bargat gávcciin namuhuvvon čuoggáin iežamet kultuvrralaš ja árbevirolaš duogážiin. Dát lea soapmásiid mielas institušuvnnaš dekoloniseren, ja lea dieđusge juoga mii ferte dahkkot áiggi mielde.

Servvodat oaidná dálá áiggis eanemusat dušše dan doaimma mii museain lea olggos guvlui, ja dat lea museaide hástalussan. Eará museabarggut eai leat oinnolaččat servvodahkii. Jus eará sániiguin dadjá; museat barget buori barggu jus čoakkáldagat leat ain áimmuin 50 ja 100 jagi geahčen. Boahttevaš buolvvat leat sii guđet sáhttet árvoštallat barget go museat dálá áiggis doarvái buori barggu, ja dieđusge lea nu ahte musea bargit eai oaččo rámi bargguset ovddas nu guhka go ieža ain barget museain. Danne lea áibbas dárbbalaš ahte ollu dan barggus mii dáhkko museain ferte geahččat guhkesáiggi perspektiivvas. Oanehis áiggi perspektiivvas ges dábálaš doaimma ja eará prošeavttaid ja vuoruhuvvon doaimmaid.

Juohke juolluvuvvon jahkái sávaše Sámediggi ja Fylkkagiela čielga doaimmaid ja árvoštallamiid maŋŋá doaimmaid. Dasa lassin lea juohke doaimmas fokus guosseloguide. RDM:s lea dan dihte doaibmaplána mii lea veháš eambbo dárkil (gč. mildosa) ja listu mas juohke musea váldovuoruheamit maid raporterejit sierra.

Dat lea dattege nu ahte lea dehálaš oaidnit musea rolla dan perspektiivvas masa lea deaddu dáin raporttain. Sáhtta šaddat miella ráhkadit doaimmaid main, dálá áiggis, gártet buorit guosselogut ja ollu buorit čállosat. Muhto musea ferte doalahit fokusa dasa mii lea min guhkesáiggi rolla, mii lea leat dokumenterejeaddji ja čoakkáldathálddašeaddji. Mii fertet boahttevaš buolvvaid fuolahit, váikko dát bargu ii buvttat dálá áigái guosseloguid.

- 3) AU cealkámušat:
  - li leat gieđahallon AU:s

- 4) Mearrádusárvalus:

*RDM musea doaibmaplána dohkkehuvvo čuovvovaš váldovuoruhemiiguin guhtege RDM ossodagas:*

ADM: Joatkit bargguiguin: organisašuvdnahuksen, bargobiras, SVD/dáiddamusea vejolašvuodaguorahallan ja fierpmádathuksenbargu. Álggahit barggu RDM márkan- ja mediastategiijaplánain.

SVD: Dievasmahttit primusa sámegillii Digitalt museai ovttas KultuNav:in. Čájáhusbargu ja liggerusttegiid ođasteapmi. Veahkehit SVD vejolašduodaguorahallamiin.

PM: Čájáhus Porsáŋggu Kvenaid birra, bargat oktasašlokaliseremiin ja visttiiguin Leavnnjas guovddáži. Museakafeat lassin čoakkáldathálddašeapmái.

KSM: Ain bargat bargodili buoridemiin visttiid ektui, nannet ovttasbarggu Fálesnuori gieiddain ja čoakkáldathálddašeapmi/primus.

GG: Čájáhusat, čoakkáldathálddašeapmi ja váldovistti sisáibmodoaimmat.

Kunst: Ovttasbargu SDG:in (čájáhusat ja gaskkusteapmi), joatkit čoakkáldaga systematiseremiin ja primusiin.

- 5) Mearrádus:
  - Mearrádusárvalus ovttajienalaččat dohkkehuvvon

## **Ášši 6-2019**

### **Jahkásaš bálkásihtadallan gaskal stivrra ja direktvrra**

- 1) Áššebáhpirat:
  - Beavdegirji 2019 ođđajagimánu bálkásihtadallamiin
- 2) Áššečilgehus:

Áššis 15/18 addui stivrajođiheaddjái ja nuppijođiheaddjái fápmudus šiehtadallat bálkká direktvrrain. 2019 ođđajagimánu čađahuvvui bálkásihtadallan. Direktvrra ii lean ožžon bálkásáhusa dan rájes go son virgáduvvui 2015:s, ja šiehtadallamiin lei ovttaoavilvuolta ahte bálkásagastallamat galget dollojuvvot jahkásaččat.

- 3) AU cealkámušat:
  - li leat gieđahallon AU:s

- 4) Mearrádusárvalus:  
Stivrajođiheaddji ovddida evttohusa dohkkeheapmái: Váldi jahkásaš bálkášiehtadallan direktivrrain addo stivrajođiheaddjái ja nubbijöđiheaddjái
- 5) Mearrádus:  
Mearrádusárvalus ovttajienalaččat dohkkehuvvon

**Ášši 7-2019                      Rievdadit virggi ii almmolaš bargiidášši**

**Ášši 8-2019                      2019 Bušeahhtarievdadeapmi**

- 1) Áššebáhpirat:
  - 2019 bušeahtta, 17.12.18 mearrádus
  - 2019 bušeahtta, rievdaduvvon
- 2) Áššečilgehus:

Stivra mearridii 17.12.18 rámmadási 2019 bušeahhta. Maŋŋá stivračoahkkima leat boahtán rievdadusat, earret eará dan dihte go juovlamánu bušeahhtarámmas ledje guđđojuvvon ovdalaš virggehasaid penšuvdnagolut ja sisaboáđuid rievdadusat.

Finnmárkku fylkka doaibmadoarjjamearrádus bođii easka 2019 guovvamánu. Sámedikki ja suohkaniid loahpalaš mearrádusat leat maid boahtán easka maŋŋá juovlamánu stivračoahkkima, mii dagaha ahte sihke sisaboahu ja merkejuvvon ruđaid submi rievdá.

RDM lea maid ráhkadan ovttasbargošiehtadusa Porsáŋggu gielddain das mii guoská Porsáŋggu musea visttiide ja daid čohkket visttiide Leavnja guovddážiis. Dat mearkkaša ahte viessoláigogolut lassánit, muhto maid ahte Porsáŋggu gielda máksá 144 000 ruvnno viessoláiggu ruovttoluotta (dianas lasáhus). Leat maid rievadan vuoruheamit ja ossodagaid gaskkas sirddašan ruđaid.

Juovlamánus mearriduvvoje čuovvovaš rámmat:

Bálkágolut 8 260 884 ruvnno

Doaibmagolut 5 728 413 ruvnno

2019 ollislaš bušeahtta 13 989 297 ruvnno

Maŋŋá rievdadeami lea obbalaš bušeahhtarámma 14 205 977 ruvnno. Dat lea rievdan 216 680 ruvnnuin.

- 3) AU cealkámušat:
  - li leat gieđahallon AU:s
  -
- 4) Mearrádusárvalus:



RDM 2019 bušeahhtarámma:  
Báلكárámma 8 273 161 ruvnno  
Doaibmarámma 5 932 816 ruvnno  
2019 oktiibuot 14 205 977 ruvnno

5) Mearrádus:

Mearrádusárvalus ovttajienalaččat dohkkehuvvon

**Ášši 9-2019**                      **RDM revišuvdnafitnodat**

1) Áššebáhpirat:

- KPMG fáaladat, Áltá
- ES Revisjon fáaladat, Hárstták

2) Áššečilgehus:

SVD eaiggátvuodđudus Hjalmar Strømeng bokte lea sávvan geavahišgoahhtit eará revišuvdnafitnodaga KPMG hattit geažil. Sihke RDM ja eaiggátvuodđudus geavaha dál KPMG.

2017 ovddas lei KPMG faktureren 26 000 ruvnno, ja lassibarggu rievdademiid dihte jna. 7475 ruvnno.

Buot supmit leat earret MVA. Oktiibuot gárttai revišuvdna máksit 33 475 ruvnno earret MVA.

RDM máksá eaiggátvuodđudusa revišuvnna, ja 2017:s ledje revišuvdnagolut ná:

Jáhkovuona mearrasámi musea: Máksu 5300 ruvnno ja lassimáksu 1970 ruvnno. Oktiibuot 7270 earret MVA.

Sámiid Vuorká-Dávvirat: Máksu 8000 ruvnno ja liigemávssu birra eai leat dieđut.

KPMG dahká 2018 ovddas revišuvnna, ja lea buktán fáaladaga dábalaš revišuvdnii 2019:s:

RDM: 27 500,-

SVD eaiggátvuodđudus 8000,-

KSM eaiggátvuodđudus 5500,-

Buot supmit leat earret momssa. KPMG:in mii leat vásihan ahte leat iešguđet olbmot geat dahket min revišuvnna.

ES Revisjon fáaladat lea ná (maiddái 2019 revišuvdna):

RDM máksu: 22 000 ruvnno

KSM máksu: 7000 ruvnno

SVD máksu: 7000 ruvnno

Bálvalusat earret dan revišuvnna mii lea lága bokte geatnegahtton mákset 1400 ruvnno diimmus, go fas mielbargiide 800 ruvnno diimmus. Buot hattit leat earret Mva. ES fállá ovtta fásta olbmo gii revidere.

KPMG:s ja ES Revisjonas eai leat stuora erohusat fásta mávssus. Obbalaš máksu revišuvnna mearriduvvo das ahte dárbbasitgo RDM ja eaiggátvuodđudusat eambbo bálvalusaid go daid láhkageatnegahtton. Dát fas lea gitta das ahte man buori ovdabarggu RDM, eaiggátvuodđudusat ieža ja rehketoalli barget.

Revisora lonuhemiin lea vejolaš seastit veháš ruđa. Haddeerohus gaskal KPMG ja ES lea nu ahte mii oažžut eambbo bálvalusaid ES:s go KPMG:s. Dasa lassin livččii ovdamunni go lea okta fásta olmmoš gii

oahpásmuvvá organisašuvdnii – ja nu garvá dan ahte ferte ain duos dás ođđa olbmo gii galgá bargat revisuvdnabarggu “oahpahit”.

- 3) AU cealkámušat:
  - li leat gieđahallon AU:s

- 4) Mearrádusárvalus:

Rehketdoallogagi 2019 rájes RDM vällje ES Revisjon.

- 5) Mearrádus:  
Mearrádusárvalus ovttajienalaččat dohkkehuvvon

### **Ášši 10-2019                      Stivrajođiheaddji bálká**

- 1) Áššebáhpirat:
  - RDM 29.11.2016 stivrramearrádus, Áššis 24-2016, dáhton

- 2) Áššečilgehus:

29.11.2016 stivračoahkkimis unniduvvui stivrajođiheaddji jahkásaš bálká 80 000 ruvnnos 60 000 ruvdnui. Lea maid doaimman nu ahte stivrajođiheaddji čállá diibmolisttu iežas bargodiimmuin ja sádde listtuid máksingáibádusain.

Vai šattašii eambbo bivnnuhin ja heivvolažžan stivrajođiheaddjái bargat iežas luohhtámušdoaimma de lea sávahahtti ahte jahkásaš bálká fas lasihuvvo 80 000 ruvdnui. Bálká mákso maid álggus juohke jagi vuosttaš kvartálas, earret válgajagi, dalle mákso bálká guovtti jahkebealis.

- 3) AU cealkámušat:
  - li leat gieđahallon AU:s

- 4) Mearrádusárvalus:

RDM Stivrajođiheaddji jahkásaš bálká lasihuvvo 80 000 ruvdnui Suoidnemánu 1. Beavvi 2019 rájes Submi mákso okte jagis, jagi vuosttaš kvartálas, earret válgajagiid.

- 5) Mearrádus:  
Mearrádusárvalus ovttajienalaččat dohkkehuvvon

#### 4. DIGAŠTALLANÁŠŠIT

Eai lean eará áššit.

#### 5. ČOAHKKÁIGEASSU

**Ášši 11- 2019**

**Eará áššit**

AU ásaheapmi:

Stivrajođiheadji árvalus: Stivra ii ásat vel ođđa AU

Mearrádusárvalus ovttajienalaččat dohkkehuvvon

Duodaštetne ahte referáhtta lea riehta:

---

Svein Atle Somby  
Stivrralahttu

---

Hjalmar Strømeng  
Stivrralahttu